

BESKERM ASSEBLIEF ONS KINDERS. GENOEG IS NOU WRAGTIG GENOEG.

PROTECT OUR CHILDREN TO MOVE LANGEBERG FORWARD.

Die Department van maatskaplike ontwikkeling tree as leidende rolspelers in vennootskap met Kinder en Gesinsorg Robertson, ACVV Robertson, Dept van Gesondheid, SAPD, WKOD en die plaaslike munisipaliteit op en wil 'n impak maak met dienslewering ten opsigte van Kindermishandeling en tienerswangerskappe in Langeberg. Gevolglik het hulle reeds vanaf Januarie 2017 as deel van die JPI inisiatiewe van Langeberg verskeie vergaderings met tersaaklike rolspelers beplannings vergaderings onder leiding van DSD Robertson gehou.

Aan die hand van volwassenes, is ons weerlose kinders slagoffers van ernstige vergrype teenoor hulle. Langeberg was die afgelope twee jaar tot afgryse gebring deur die wreede moorde op drie baba dogtertjies van drie maande ouderdom en 'n babaseun van vier maande waarvan al drie deur hulle vaders vermoor is. Een vier maande oue baba is deur haar vader ernstig verkrag. Daar benewens word daar gereeld rapporteer dat ons tieners ook die prooi al geword het van verkragtings wat ook tot tienerswangerskappe kan lei. Die rolspelers werk al vir 'n paar jaar goed saam om die probleme effektief aan te spreek, maar die gemeenskap is die belangrikste rolspeler wat hul betrokkenheid ook meer sigbaar moet maak.

Dit vul 'n mens met absolute afgryse en walging wanneer mens feitlik daaglik hoor van kinders wat deur grootmense verlaat, ernstig en doelbewus verwaarloos word. Verder ervaar ons kinders fisiese mishandeling van die ergste graad waaronder ernstige beserings, verminkings en selfs die dood.

Diegene wie die oortredings teenoor kinders begaan besef nie altyd dat hulle hul skuldig maak aan die oortreding van Artikel 150 van die Kinderwet 38/2005 nie. Seksuele molestering en verkragting is die ander gruwels wat

teen ons kinders gepleeg word en sommige van ons bloedjies moet met hul lewe boet aan die hand van gewetenlose, siek monsters.

Die kommerwekkende aspek rondom molestering is dat die oortreders gewoonlik bekend is aan die kind of familie. Vroeë skoolverlating en tienerswangerskap is verdere uitdagings wat die gemeenskap in die gesig staar.

Alkohol- en dwelmmisbruik veral tik en dagga verwoes ons kinders en jeug se lewe- dit terwyl gewetenlose handelaars finansiële floreer. Al die faktore lei tot gesinsgeweld waartydens kinders dikwels ernstig beseer word.

Dit is nou die tyd vir ouers en ander primêre versorgers van kinders om hul verantwoordelikheid en plig ten opsigte van die versorging en beskerming van hul kinders op te neem.

Dit het ook tyd geword vir die gemeenskap om saam te staan en 'n gesamentlike respons ten opsigte van kinderbeskerming te ondersteun.

Rapporteer mishandeling, seksuele oortredings en ander vergrype teenoor ons kinders by jou naaste polisie-stasie of maatskaplike werker.

Vir jou eie veiligheid hoef jy nie jou naam te verstrek nie.

As ons heelhartig saamwerk, kan ons 'n positiewe verskil maak in die lewe van duisende weerlose kinders.

'n Program soos aangeheg is wat deur die onderskeie rolspelers beplan is en dek dit elke dorp in die Langeberg.

Die interdepartementele rolspelers, NGO's en SAPD versoek dat almal so vóór as moontlik deelneem en die programme 'n sukses van sal maak. Moenie langer wegkyk nie en moenie langer stilbly nie.

'n Beroep word gemaak dat elke ouer elke gemeenskapslid die beskerming van Langeberg se kinders as ernstig beskou en onmiddellik enige vermoedens van mishandeling selfs naamloos sal aanmeld by die onderskeie kantore:

Kinder en Gesinsorg vereniging: 023 626 2268

ACVV Robertson: 023 626 3097

ACVV Montagu: 023 614 3938

Dept van Maatskaplike Ontwikkeling: 023 626 6219

